

Bosna i Hercegovina
Federacija Bosne i Hercegovine
Tuzlanski kanton
OPĆINA LUKAVAC
OPĆINSKO VIJEĆE



Босна и Херцеговина
Федерација Босне и Херцеговине
Тузлански кантон
ОПЋИНА ЛУКАВАЦ
ОПЋИНСКО ВИЈЕЋЕ

Lukavac:17.10.2018.godine

SLUŽBENI GLASNIK OPĆINE LUKAVAC

S A D R Ź A J 9/18

AKTI OPĆINSKOG VIJEĆA

1. Odluka o privremenom obavljanju prijevoza putnika na području općine Lukavac

AKTI OPĆINSKOG NAČELNIKA

1. Odluka broj :02-02-1-2620/18 od 04.09.2018. godine
2. Odluka broj :02-02-1-2889/18 od 01.10.2018. godine
3. Odluka broj :02-02-1-3084/18 od 17.10.2018. godine
4. O proglašavanju prestanka stanja druge nesreće za područje MZ Hrvati, zaseok Donje Crveno brdo i rudnik šikulje
5. Pravilnik o načinu provođenja javnog nadmetanja – licitacije sistemom zatvorenih ponuda, za prodaju službenih i specijaliziranih motornih vozila u vlasništvu Općine Lukavac
6. Rješenje o razrješenju člana Općinskog štaba civilne zaštite Lukavac
7. Rješenje o izmjeni Rješenja o postavljenju komandanta , načelnika i članova Općinskog štaba civilne zaštite



Broj:01-02-1-3018/18
Lukavac, 17.10.2018. godine

Na osnovu člana 8. Zakona o principima lokalne samouprave u FBiH ("Službene novine FBiH", broj 49/06. i 51/09.), člana 6. Zakona o komunalnim djelatnostima ("Službene novine TK", broj 11/05., 7/07., 8/12. i 14/13), člana 30. stav (4) Odluke o obavljanju javnog prijevoza putnika na području općine Lukavac ("Službeni glasnik općine Lukavac", broj 2/11.) i člana 32. Statuta općine Lukavac ("Službeni glasnik općine Lukavac", broj 5/08 i 1/14), Općinsko vijeće Lukavac na vanrednoj sjednici održanoj dana 17.10.2018. godine, donijelo je

ODLUKU

o privremenom obavljanju javnog prijevoza putnika na području općine Lukavac

Član 1.

Ovom Odlukom se kao mjera hitnog otklanjanja posljedica i uspostavljanja komunalne usluge javnog prijevoza putnika, Javnom prijevozniku putnika „TRANS TURIST“ dd Tuzla ili drugom prijevozniku za koji nadležna Služba utvrdi da ispunjava zakonom propisane uslove za obavljanje prijevoza putnika, privremeno odobrava obavljanje javnog prijevoza putnika na nužnom broju polazaka/povrataka na autobusnim općinskim linijama, kako slijedi:

- Lukavac „AS“ – Lukavac Mjesto 2 – Huskići (voda);
- Fabrika Cementa – Lukavac „AS“ – Koksara – Šikulje (centar) – Prline (voda);
- Lukavac „AS“ – Koksara – Šikulje (centar);
- Lukavac „AS“ – Fabrika Sode – Bokavići (džamija) – Selimovići;
- Lukavac „AS“ – Prokosovići (Aljukići) – Babice – Orahovica;
- Lukavac „AS“ – Puračić „R“ – Turija (škola) – Karići (spomenik);
- Fabrika Cementa – Lukavac „AS“ – Puračić „R“ – Turija (škola) – Karići (spomenik);
- Lukavac „AS“ – Modrac „R“ – Tabaci (veliko raskršće);
- Lukavac „AS“ – Prokosovići (Aljukići) – Babice – Orahovica;
- Lukavac „AS“ – Koksara – Caparde „R“ – Mosorovac – Turija – Panjik (škola);
- Lukavac „AS“ – Poljice Gornje „R“ – Jaruške Gornje.

Član 2.

Privremeno obavljanje javnog prijevoza putnika iz člana 1. ove Odluke obavljat će se do konačnog rješenja ove problematike, a najkasnije do 30.06.2019.godine.

Član 3.

Za realizaciju ove Odluke zadužuje se Općinski načelnik i Služba za komunalno-stambene poslove, boračko-invalidsku zaštitu i raseljena lica, koja će u saradnji sa javnim prijevoznikom iz člana 1. ove Odluke usaglasiti način obavljanja javnog prijevoza na navedenim autobusnim linijama.

Član 4.

Ova Odluka stupa na snagu danom objavljivanja u "Službenom glasniku općine Lukavac".

PREDSJEDAVAJUĆI
OPĆINSKOG VIJEĆA
Mehmed Suljić, dipl.ing.maš. s.r.



Broj: 02-02-1- 2889/18
Lukavac, 01.10.2018.godine

Na osnovu člana 108. stav 3, a u vezi sa članom 99. stav 1. Statuta općine Lukavac ("Sl. glasnik općine Lukavac", broj: 5/08, 1/14 i 3/17 i 4/18), Budžeta općine Lukavac za 2018, broj: 02-14-525/18-1 od 02.04.2018, u skadu sa članom 42. Odluke o izvršenju budžeta općine Lukavac za 2018.godinu broj: 02-02-1-813/18-1 od 02.04.2018 („Službeni glasnik općine Lukavac“ broj 04/18), Zahtjeva JP RAD Lukavac, od 15. 09. 2018. godine i prijedloga Službe, da se odobre sredstva za učešće u investiciji izgrađenog toplovoda od strane Elektroprivrede BiH, Općinski načelnik općine Lukavac d o n o s i:

O D L U K U

Član 1.

Iz sredstava Budžeta općine Lukavac, razdio 11, kod potrošačke jedinice 117, ekonomski kod 615411 – tačka 5. Subvencija JP „Rad“ Lukavac za učešće u investiciji izgrađenog toplovoda od strane Elektroprivrede BiH, izdvojiti iznos od **100.000,00 KM**.

Član 2.

Sredstva iz čl.1. ove Odluke izdvajaju se namjenski po planiranom Budžetu za Subvenciju JP „Rad“ Lukavac za učešće u investiciji izgrađenog toplovoda od strane Elektroprivrede BiH u skladu sa članom 42. Odluke o izvršenju Budžeta Općine Lukavac za 2018. godinu broj: 02-02-1-813/18-1 od 02.04.2018 („Službeni glasnik općine Lukavac“ broj 04/18), i Zahtjeva JP RAD Lukavac.

Član 3.

Općina se obavezuje da će finansijska sredstva u iznosu od 100.000,00 KM prenijeti na račun Elektroprivrede BiH, u skladu sa članom 2. ove Odluke, o čemu će biti potpisana cesija.

Član 4.

Obavezuje se JP RAD Lukavac da sačini ugovor o cesiji u skladu sa članom 3. ove Odluke.

Član 5.

Za sprovođenje ove odluke zadužuje se Služba za budžet i finansije.

Obrađivač:
Služba za urbanizam, prostorno
planiranje i investicije

OPĆINSKI NAČELNIK
Dr.Sci.Edin Delić

Dostavljeno:

1. JP RAD Lukavac,
2. Služba za budžet i finansije X2
3. Službeni glasnik
4. Evidencija
5. Arhiva



Služba za opću upravu, privredu i društvene djelatnosti

Broj:02-02-1-2620/18

Lukavac: 04.09.2018. godina

Na osnovu člana 41. i 108. Statuta općine Lukavac – prečišćeni tekst („Sl. glasnik općine Lukavac“ broj: 5/08 i 1/14) i člana 35. Odluke o izvršenju Budžeta općine Lukavac za 2018. godinu („Sl. glasnik općine Lukavac“ broj: 4/18), Općinski načelnik d o n o s i

O D L U K U

Član 1

Ovom Odlukom se reguliše raspodjela sredstava za poticaj zapošljavanju kroz subvencioniranje kamata za obrt, korisnici navedenih sredstava, Komisija za odabir korisnika sredstava subvencioniranja kamata za obrt (u daljem tekstu: Komisija) i kriteriji dodjele istih.

Član 2

Sredstva koja će biti predmet raspodjele po ovoj Odluci, planirana su u Budžetu za tekuću budžetsku 2018. godinu/razdio 11, potrošačka jedinica 114, pozicija „Poticaj zapošljavanju kroz subvencioniranje kamata za obrt“, u iznosu od 20.000,00 KM.

Član 3

Korisnici sredstava će biti fizička lica sa prebivalištem na području općine Lukavac najmanje godinu dana, koja imaju status privremeno nezaposlenog lica i koja namjeravaju da, uz kreditno zaduženje, registruju obrtničku djelatnost na području općine Lukavac u roku od 30 (trideset) dana od dana donošenja Odluke o izboru korisnika predmetnih sredstava.

Član 4

Komisiju za odabir korisnika sredstava za poticaj zapošljavanju kroz subvencioniranje kamata za obrt će imenovati Općinski načelnik na prijedlog Službe za opću upravu, privredu i društvene djelatnosti.

Komisija će brojati tri člana, od kojih će jedan biti predsjednik Komisije.

Zadaci Komisije će se utvrditi rješenjem o imenovanju.

Komisiji za rad pripada naknada u iznosu koji će biti utvrđen rješenjem o imenovanju Komisije.

Član 5

Komisija će vršiti bodovanje korisnika sredstava u skladu sa slijedećim kriterijima:

***vrste obrta**

- Tradicionalni stari obrt ----- 15 bodova
- Vezani obrt----- 10 bodova
- Posebni obrt----- 8 bodova
- Srodna djelatnost----- 5 bodova

-

***period čekanja na evidenciji Biroa za zapošljavanje**

- do pet godina----- 5 bodova
- od 5 do 10 godina-----10 bodova
- preko 10 godina-----15 bodova

Član 6

Konačnu Odluku o odabiru korisnika sredstava za poticaj zapošljavanju kroz subvencioniranje kamata će donijeti Općinski Načelnik, na prijedlog Komisije.

Član 7

Općinski Načelnik će, u roku od 3 (tri) dana od dana primjenjivanja ove Odluke, raspisati Javni poziv.

Član 8

Uz prijavu na Javni poziv fizička lica su dužna dostaviti:

- Original ili ovjerenu kopiju Uvjerenja o prebivalištu/CIPS ne starije od 10 (deset) dana;
- Original ili ovjerenu kopiju Uvjerenja Biroa za zapošljavanje Lukavac ne starije od 10 (deset) dana;
- Izjavu ovjerenu kod nadležnog organa da će najkasnije u roku od od 30 (trideset) dana od dana donošenja Odluke o izboru korisnika predmetnih sredstava podnijeti nadležnom općinskom organu zahtjev za registraciju obrtničke djelatnosti sa potpunom dokumentacijom i sa tekstualnim navođenjem djelatnosti i šifre djelatnosti iz Uredbe o zaštiti tradicionalnih starih obrta („Sl.novine Federacije BiH“ broj: 66/09, 38/10 i 16/12) ili Uredbe o vezanim i posebnim obrtima („Sl. novine Federacije BiH“ broj: 66/09, 38/10 i 16/12) ili Odluke o klasifikaciji djelatnosti BiH 2010 („Sl. glasnik BiH“ broj 47/10), koja mora u potpunosti odgovarati sadržaju djelatnosti koja će biti navedena u prijavi na Javni poziv;
- Izjavu ovjerenu kod nadležnog organa da će najkasnije u roku od od 30 (trideset) dana od dana donošenja Odluke o izboru korisnika predmetnih sredstava dostaviti nadležnom općinskom organu ovjerenu kopiju uvjerenja ili potvrde nadležne banke o odobrenom kreditu i visini odobrenih kreditnih sredstava, sa posebno naznačenim ukupnim iznosom kamate na zaduženi period.

Fizička lica su dužna u prijavi na Javni poziv upisati djelatnost i šifru djelatnosti iz Uredbe o zaštiti tradicionalnih starih obrta („Sl.novine Federacije BiH“ broj: 66/09, 38/10 i 16/12) ili Uredbe o vezanim i posebnim obrtima („Sl. novine Federacije BiH“ broj: 66/09, 38/10 i 16/12) ili, ako je u pitanju srodna djelatnost, iz Odluke o klasifikaciji djelatnosti BiH 2010 („Sl. glasnik BiH“ broj 47/10).

Član 9

Ova Odluka stupa na snagu danom donošenja, a primjenjivat će se od prvog narednog dana od dana objavljivanja u Službenom glasniku općine Lukavac.

OPĆINSKI NAČELNIK
Dr. sci. Edin Delić s.r.



Broj:02-02-1-3084 /18
lukavac, 17.10.2018.

Na osnovu člana 108. stav 3., a u vezi sa članom 99. stav 1. Statuta općine Lukavac ("Sl. glasnik općine Lukavac", broj: 5/08 i 1/14), Budžeta općine Lukavac za 2018. godinu („Sl. glasnik općine Lukavac“, broj 4/18), Odluke o izvršenju budžeta općine Lukavac za period od 01.01.2018 - 31.12.2018. sa Okvirnim planom za 2019. i 2020. godinu, („Službeni glasnik općine Lukavac“ broj 4/18), općinski Načelnik d o n o s i

O D L U K U

Član 1.

Iz sredstava budžeta općine Lukavac razdio 14, kod potrošačke jedinice 141, funkcionalni kod 0111, ekonomski kod 617111 - "Tekuća rezerva", odobravaju se sredstva u iznosu od 1.000,00 KM (jednahiljadakonvertibilnihmaraka)

Član 2.

; Sredstva iz člana 1. ove Odluke dodjeljuju se Akademiji nauka i umjetnosti Bosne i Hercegovine na ime pomoći u organizaciji Naučne konferencije pod nazivom „ 75 godina ZAVNOBIH-a: Povijesna utemeljenost u razvoju i obnovi državnosti Bosne i Hercegovine“.

Sredstva iz člana 1. ove Odluke odobrena su na osnovu zahtjeva Akademije nauke i umjetnosti BiH broj 09-09-3-408-2/18 od 17.09.2018. godine

Član 3.

Odobrena sredstva će se isplatiti u skladu sa mogućnostima i planom ostvarenja budžeta za 2018. godinu na transakcijski račun Akademije nauka i umjetnosti broj 1610000010720063, otvoren kod Raifaisein banke d.d. Sarajevo.

Član 4.

Za realizaciju ove Odluke zadužuje se Služba za budžet i finansije i ujedno se obavezuje da obustavi od izvršenja Odluku, ukoliko ista ne sadrži sve bitne elemente neophodne za njenu realizaciju,

OPĆINSKI NAČELNIK

Dr. Sci. Edin Delić s.r.



Broj: 02-02-1-2963/18
Lukavac, 05.10.2018. godine

Na osnovu člana 29. stav 1. tačke 7) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“, broj: 39/03, 22/06 i 43/10), a u vezi sa članom 33. Pravilnika o načinu rada i funkcionisanja štabova i povjerenika civilne zaštite („Službene novine FBiH“, broj: 77/06 i 5/07), člana 41. Statuta općine Lukavac-prečišćeni tekst („Službeni glasnik općine Lukavac“, broj: 5/08 i 1/14) i Zaključka Općinskog štaba civilne zaštite općine Lukavac broj: 07-44-9-132-Š/18 od 04.10.2018. godine, Općinski načelnik donosi

O D L U K U
O PROGLAŠAVANJU PRESTANKA STANJA DRUGE NESREĆE
ZA PODRUČJE MZ HRVATI, ZASEOK DONJE CRVENO BRDO I RUDNIK ŠIKULJE

Član 1.

Ovom Odlukom proglašava se prestanak stanja druge nesreće za područje MZ Hrvati, zaseok Donje Crveno Brdo i Rudnik Šikulje izazvano klizištem usljed izvođenja rudarskih radova od strane ZD Rudnici „Kreka“ d.o.o. Tuzla, Rudnik Šikulje u Lukavcu, a koje je proglašeno Odlukom Općinskog načelnika broj: 02-02-1-1055/18 od 23.04.2018. godine.

Član 2.

Stanje druge nesreće za područje MZ Hrvati, zaseok Donje Crveno brdo i Rudnik Šikulje prestaje sa danom 06.10.2018. godine.

Član 3.

Ova Odluka stupa na snagu kako je navedeno u članu 2., a objavit će se u “Službenom glasniku općine Lukavac”.

OPĆINSKI NAČELNIK
Dr. sci. Delić Edin s.r.

Na osnovu člana 62. Zakona o organizaciji organa uprave u Federaciji Bosne i Hercegovine („Službene novine FBiH”, broj 35/05) i člana 15. Zakona o principima lokalne samouprave u Federaciji Bosne i Hercegovine („Službene novine FBiH”, broj 49/06), Općinski Načelnik donosi

P R A V I L N I K

o načinu provođenja javnog nadmetanja – licitacije sistemom zatvorenih ponuda, za prodaju službenih i specijalizovanih motornih vozila u vlasništvu općine Lukavac

Član 1. (Predmet Pravilnika)

Ovim Pravilnikom propisuje se način provođenja javnog nadmetanja - licitacije sistemom zatvorenih ponuda, za prodaju službenih i specijalizovanih motornih vozila u vlasništvu općine Lukavac.

Član 2. (Odluka o prodaji i formiranje Komisije)

(1) Prije samog postupka javnog nadmetanja, Općinski Načelnik donosi Odluku o prodaji službenog/službenih odnosno specijalizovanih motornih vozila. Posebnom Odlukom, Općinski Načelnik formira Komisiju za provođenje procedure javnog nadmetanja - licitacije za prodaju motornih vozila.

(2) Komisija za provođenje procedure javnog nadmetanja - licitacije za prodaju motornih vozila će u pozivu za dostavljanje ponuda utvrditi predmet prodaje, odnosno specifikaciju službenog/službenih vozila sa svim njegovim bitnim karakteristikama: marka i model vozila, boja vozila, broj šasije, broj motora, snaga/zapremina motora, godina proizvodnje, vrsta goriva, pređena kilometraža, istek registracije, stanje vozila i početna cijena, s tim da se početna cijena formira na osnovu procjene sudskog vještaka mašinske struke-podoblast motori i vozila i ne može biti manja od 50% od procijenjene vrijednosti.

(3) Obavjest o javnom pozivu ili tekst javnog poziva za nadmetanje, obavezno se objavljuje na oglasnoj ploči i web portalu općine Lukavac, a po potrebi i drugim javnim glasilima.

Član 3. (Pravo učešća)

(1) Pravo učešća u postupku javnog nadmetanja - licitacije imaju sva pravna i fizička lica koja prije utvrđenog roka za licitaciju uplate predviđeni depozit/kauciju za učešće na javnom nadmetanju-licitaciji koji iznosi 10% od početne cijene vozila.

(2) U situacijama ako se prodaje više vozila objedinjeno, tj. kao jedan LOT, depozit, odnosno kaucija za učešće iznosi minimum 10% početne vrijednosti svih vozila koja čine predmetni LOT.

(3) Pravo učešća u postupku javne licitacije nemaju uposlenici bilo kojeg organa uprave općine Lukavac i njihovi srodnici do trećeg stepena krvnog srodstva.

(4) Depozit/kaucija za učešće u postupku javnog nadmetanja-licitacije za prodaju službenih vozila se uplaćuje na depozitni račun budžeta općine Lukavac, šifra prihoda 721 239 - ostali prihodi od imovine.

Član 4. (Dostavljanje i sadržaj ponude)

(1) Ponude se dostavljaju na odgovarajućem popunjenom Obrascu za cijenu ponude, u zatvorenoj koverti sa naznakom: NE OTVARATI.

- (2) U slučaju prodaje motornih vozila po LOT-ovima, ponude za svaki LOT se pakuju u posebne koverta, koje se opet pakuju u zajedničku kovertu za jednog ponuđača.
- (3) Jedan ponuđač može dostaviti ponudu za jedan ili više LOT-ova, s tim da se za jedan LOT može dostaviti samo jedna ponuda.
- (4) Uz ponudu se dostavlja i odgovarajući dokaz o izvršenoj uplati depozita/kaucije za učešće u postupku javnog nadmetanja.
- (5) Ukoliko ponudu dostavlja fizičko lice, ponuda mora da sadrži: ime i prezime, ime jednog roditelja, adresu i broj telefona, broj tekućeg računa i ovjerenu kopiju identifikacijskog dokumenta.
- (6) Ukoliko ponudu dostavlja pravno lice, ponuda mora da sadrži: naziv pravnog lica, adresu i broj telefona, potpis ovlaštene osobe i pečat, kopiju ID broja i broj bankovnog računa.
- (7) Sve ponude koje pristignu poslije naznačenog roka (rok koji je naveden u javnom oglasu), bez obzira kada su poslana, neće biti uzete u razmatranje.
- (8) Ponuda mora biti potpisana od podnosioca, a ukoliko je ponuđač pravno lice, ista mora biti i ovjerena pečatom pravnog lica.

Član 5. (Postupak nadmetanja)

- (1) Postupak javnog nadmetanja-prodaje službenih vozila mora biti javno uz prisustvo zainteresovanih fizičkih lica i ovlaštenih predstavnika pravnih lica koja dostave ponude.
- (2) Postupak nadmetanja, odnosno licitacije počinje registracijom ponuđača koja podrazumijeva provjeru identiteta podnosioca ponude, zakonskog zastupnika ili punomoćnika.
- (3) Predsjednik Komisije otvara prispjele ponude, čiji se sadržaj unosi u zapisnik.
- (4) Ponude koje ne sadrže uslove prihvatljivosti neće se razmatrati u daljem postupku prodaje.
- (5) Ponude ispod početne cijene neće biti uzete u razmatranje.
- (6) Komisija, nakon razmatranja liste ponuđača, utvrđuje najpovoljnije ponude za sva vozila (ili LOT-ove), o čemu usmeno obavještava prisutne ponuđače. Predsjednik proglašava pobjednika/pobjednike javne prodaje/licitacije.
- (7) Ukoliko se na poziv za prodaju određenog vozila ili za određeni LOT odazove ili prijavi samo jedan ponuđač sa prihvatljivom ponudom, Komisija ga proglašava pobjednikom prodaje.
- (8) Kriteriji za vrednovanje ponuda je najviša ponuđena cijena za navedeno motorno vozilo, odnosno LOT (u situacijama kada se prodaje više vozila objedinjeno), a u slučaju da su prvorangirane dvije ili više ponuda, identične, tj. imaju u potpunosti istu ponuđenu cijenu, Komisija daje prednost ponuđaču koji je ranije predao ponudu.
- (9) Ukoliko se na poziv za prodaju određenog vozila ili za određeni LOT ne odazove ili ne prijavi ni jedan zainteresovani ponuđač, raspisuje se novi ponovljeni javni poziv za prodaju, uzimajući u obzir da početna/procijenjena vrijednost prethodnog nadmetanja može biti umanjena maksimalno do 50%, o čemu odlučuje Općinski Načelnik.

Član 6. (Obaveze kupca-ponuđača)

- (1) Sa odabranim ponuđačem/ponuđačima zaključuje se kupoprodajni ugovor u roku od 2 (dva) dana po završetku postupka javnog nadmetanja/prodaje i istom će se uplaćeni depozit/kaucija uračunati u ukupnu ponuđenu cijenu.
- (2) Kupac je dužan za kupljeno motorno vozilo uplatiti puni iznos kupoprodajne cijene (umanjeno za vrijednost depozita) u roku od 2 (dva) dana od dana zaključenja kupoprodajnog ugovora, a plaćanje se vrši na depozitni računa budžeta općine Lukavac.
- (3) Ukoliko izabrani ponuđač/kupac ne pristupi sklapanju ugovora o kupoprodaji ili ukoliko nakon zaključenja ugovora odustane od njegove realizacije, uplaćena kaucija/depozit mu se

neće vratiti, što će za posljedicu imati poništenje i ponavljanje postupka, tačnije, prodaja se neće izvršiti drugorangiranom ponuđaču.

(4) Sve poreze i troškove oko prenosa vlasništva snosi kupac.

(5) Prodaja se vrši po principu "viđeno-kupljeno", što isključuje sve naknadne prigovore i reklamacije kupca upućene prodavcu po pitanju kvaliteta i eventualnih nedostataka motomog/motornih vozila.

(6) Primopredaja, odnosno preuzimanje motomog/motornih vozila vrši se nakon predocjenja dokaza o izvršenoj uplati kupoprodajne vrijednosti na za to odgovarajućoj lokaciji.

Član 7.
(Dodatne informacije)

Općina Lukavac u tekst javnog poziva može dodati i druge informacije i/ili postupke ukoliko nisu u suprotnosti sa odredbama ovog Pravilnika.

Član 8.
(Realizacija Pravilnika)

Za realizaciju ovog Pravilnika zadužuju se sve Službe jedinstvenog organa državne službe općine Lukavac.

Član 9.
(Stupanje na snagu)

Ovaj Pravilnik stupa na snagu danom donošenja, a objavit će se u „Službenom glasniku općine Lukavac“.

Broj: 02-02-2-3072/18
Lukavac, 16.10.2018.godine

OPĆINSKI NAČELNIK
Dr.Sci. Edin Delić s.r.



Broj: 02-05-2930/18
Lukavac, 03.10.2018.godina

Na osnovu člana 4. i 5. Odluke o osnivanju Općinskog štaba civilne zaštite („ Službeni glasnik općine Lukavac“, broj: 10/16) i člana 41. Statuta općine Lukavac („Službeni glasnik općine Lukavac“, broj: 5/08 i 1/14), na prijedlog Službe civilne zaštite broj: 07-44-9-781/18 od 28.09.2018.godine, Općinski načelnik, d o n o s i

R J E Š E N J E
o izmjeni Rješenja o postavljenju komandanta, načelnika
i članova Općinskog štaba civilne zaštite Lukavac

I

U Rješenju o postavljenju komandanta, načelnika i članova Općinskog štaba civilne zaštite Lukavac, broj: 02-05-93/17 od 17.01.2017.godine, u tačka III podtačka 8. se mijenja i glasi:

„ Stjepan Hlavaček, zadužen ispred Policijske stanice Lukavac, kao nadležne organizacione cjeline MUP-a TK koja ostvaruje saradnju i provodi zadatke angažovanjem sopstvenih snaga i sredstava radi otklanjanja primarne opasnosti i ugrožavanja u okviru svoje zakonske odgovornosti, te podrška drugim državnim organima i specijalizovanim službama i institucijama u otklanjanju i saniranju prirodnih i drugih nesreća.“

II

Rješenje stupa na snagu danom donošenja, a primjenjuje se od 01.10.2018.godine.

III

Rješenje će se objaviti u „ Službenom glasniku Općine Lukavac“.

OPĆINSKI NAČELNIK
Dr. sci. Edin Delić s.r.



Broj: 02-05-2932 /18
Lukavac, 03.10.2018.godina

Na osnovu člana 4.i 5. Odluke o osnivanju Općinskog štaba civilne zaštite („Službeni glasnik općine Lukavac“, broj: 10/16) i člana 41. Statuta općine Lukavac („Službeni glasnik općine Lukavac“, broj: 5/08 i 1/14), na prijedlog Službe civilne zaštite broj: 07-44-9-781/18 od 28.09.2018.godine, Općinski načelnik, d o n o s i

R J E Š E N J E
o razrješenju člana Općinskog štaba civilne zaštite Lukavac

I

Nermin Bandić, imenovan za člana Općinskog štaba civilne zaštite rješenjem broj: 02-05-93/17 od 17.01.2017.godine, **razrješava se** dužnosti člana Općinskog štaba civilne zaštite Lukavac, sa danom 04.09.2018.godine.

II

Rješenje će se objaviti u „Službenom glasniku općine Lukavac“.

OPĆINSKI NAČELNIK
Dr. Sci. Edin Delić s.r.

**SLUŽBENI GLASNIK OPĆINE
L U K A V A C**

Broj:9/18

Izdaje :Općina Lukavac

Uređuje.....Stručna Služba Općinskog vijeća

Adresa.....Općina Lukavac - Općinsko vijeće

Telefon035/553-253

Fax.....035-366-731

Službeni glasnik izdaje se po potrebi